

ESPETXE POLITIKA. PSOE, CiU eta CCk Aznarren gobernuaren proposamena onartu dute

Zigorrak gogortzearen kontra daudela berretsi dute EAJk, EAK eta IUk

EAJk osoko zuzenketa jarriko duela iragarri du, Michavilarekin bilera izan ostean

Idoia Etxeberria | DONOSTIA

«Terrorismo delituekin» lotutako espetxe zigorrak gogortzeko lege egitasmoaren aurka agertu ziren berriro atzo EAJ, EA eta IU. PSOE, CiU eta CC, berriz, PPren gobernuaren proposamena onartzeko prest daude, zenbait puntuekin guztiz konforme ez egon arren.

Margarita Uriak Espainiako Kongresuko EAJko bozeramaileak, ordea, jeltzaleek osoko zuzenketa jarriko dutela iragarri zuen, Justiziaren erreformarako bileraren ostean. Izan ere, Jose Maria Michavila Espainiako Justizia ministroa Espainiako Kongresuko talde parlamentarioekin bildu zen atzo arratsaldean, egin asmo dituzten lege aldaketak azaltzeko.

«Ez dut arauaren egokitasuna inondik inora ikusten», esan zion EGUNKARIARI Margarita Uriak. Haren arabera, oraindik ez da ikusi Zigor Kodean 1995ean egindako aldaketen fruitua, arau horren arabera epaitutako «inork ez duelako oraindik zigor luzerik bete». Azaldu zuenez, 73ko Kodearekin zigortu zituzten baldintzapean aske geratu berri diren euskal preso ohiak, eta hori gero ere gertatuko da. «Aldaketak ez luke eraginik izango 40 urte barru arte». IUk ere EAJren bide beretik jo zuen, 95eko arauaren defentsan, alegia.

Begoña Lasagabaster Espainiako Kongresuko EAKo eleduak, berriz, presoan bergizarteratzeari jartzen zaizkion mugak aipatu zituen. PSOEk ere zantzetan agertu izan ditu horrekin,



SERGIO BARRENECHEA / EFE

Justiziaren erreformarako batzordeak atzo arratsaldean eginiko bileraren irudi bat.

MARGARITA URIA

EAJko diputatua Madrilén

«Oraingo kasuak 1973ko Kodearen arabera zigortutakoenak dira; ez dira 95eko Kodearen ondorioak ikusi»

baina atzo puntu hori babesteko prest agertu zen, PPK esan baitzion presoak begizarteratzeko «ETAren kontra aktiboki kolaboratzea» ez dela «ezinbestekoa» izango.

Bi lege aldaketaren berri eman zuen atzo Michavilak, badaezpadako espetxeratzeekin lotua bigarrena. Uriak azaldu

BEGOÑA LASAGABASTER

EAKo diputatua Madrilén

«la ezinezko bihurtzen du guri ezinbestekoa iruditzen zaigun bergizarteratze politika eta berreziketa»

zuenez, Aznarren gobernuak «segurtasun publikoa errugabetasun printzioaren eta askatasunerako eskubidearen gaine» jartzeko asmoa du, «oinarrizko eskubideen gainetik», badaezpadako kartzela emateko aukerak zabalduta. Delituak behin baino gehiagotan egin dituztenak, esaterako, behin

behinean kartzelan sartu ahal izango litzukete.

EA, neurri multzoaren kontra

Begoña Lasagabasterren arabera, aipatu lege aldaketak eta Espetxe Zaintzako Epaitegi Zentrala sortzeko egitasmoa multzo berekoak dira, eta EA ez dago ados horiekin. «la ezinezko bihurtzen du guri ezinbestekoa iruditzen zaigun bergizarteratze politika», esan zuen Lasagabasterrek zigorrak gogortzeko egitasmoari buruz. «Igualtasun eta proportzionaltasun printzipioak» urratzen dituela uste du, eta juridikoki «negatiboa» izateaz gain, politikoki «akats bat» dela, «ez duelako euskal gatazkari irtenbideak bilatzen laguntzen, konponbideak urundu baizik».

ARALAR. Bilera «giro onean» egin den arren bien arteko aldeak nabariak direla esan du Aralarrek

Aralarreko ordezkariak lehen bilera egin dute Miguel Sanz Nafarroako lehendakariarekin

Erredakzioa | DONOSTIA

Aralarreko hiru ordezkari Miguel Sanz Nafarroako Gobernuako lehendakariarekin bildu ziren, atzo, lehendabiziko aldiz. Iazko azaroan egin zuen biltzeko eskaera Aralarrek eta atzo hartu zituen. Patxi Zabaleta koordinatzaile nagusia, eta Miren Egaña eta David Garnatxo zuzendaritza batzordeko kideak

izan ziren Sanzekin bildu zirenak. Bilera «giro onean» izan bazen ere, Miguel Sanzen Gobernuaren eta Aralarren arteko «desadostasunak agerian geratu» zirela nabarmendu zuen Aralarrek prentsa oharrean.

Sanz UPNko lehendakaria eta Nafarroako Gobernuako lehendakaria delako, Aralarrek azkeneko kongresuan jasotako erabakiak eman zizkion lehen-

dakariari liburu batean. Era berean, «Ibarretxeren proposamenen analisia, eta normalkuntza politikorako eta bakegintzarako proposamena» ere helarazi zizkion.

Prentsa oharrean argitu duenez, «tratu txarren gainean Aralarrek duen ardura» agertu zion Sanzi, eta horiek saihesteko, Foruzaingoaren egoitzetan atxilotuen egonaldiak grabatu-

ko dituzten kamerak jartzeko eskabidea egin zion Sanzi.

Foru Hobekuntza zaharkitua dagoela iritzi zion Aralarrek

Aralarren iritziz, Foru Hobekuntza «zaharkituta eta agortuta» dago, eta halaxe helarazi zion Miguel Sanzi. Ildo horretatik, markoaren aldaketaren gainean Nafarroako gizarteari galdetzeko proposamena egin zion Aralarrek Sanzi. Lehendakariak, aldiz, hobekuntza dagoen bezala «ondo zegoela» defendatu zuen.

EUSKAL PRESOK

Alonso epailearen erabakia, haren kontra kritikak egiteko erabili du Madrilék

Agentziak | MADRIL

Ruth Alonso Bilboko Espetxe Zaintzako epaileak Luis Mari Azkargorta eta Maria Angeles Perez del Rio euskal presoak kale-ratzeko hartutako ebazpena, epaile beraren kontra kritikak botatzeko eta polemika pizteko erabili dute Espainiako Gobernuako agintariek. Jose Maria Michavila Justizia ministroak bezperako moduan kritika gogorrak egin zizkion. Zigorrak betetzen ez badira ETA inoiz ez dela bukatuko esan zion.

Azkargorta eta Perez del Rio zigorraren hiru laurdenak beteta kaleratu zituzten herenegun Martutenetik. Ruth Alonso epaileak atzo jakinarazi zuen zigorraren hiru laurdenak beteta aske utzi dituzten 350 euskal presoetatik, inor ez dela «armak hartzera itzuli». Aitzitik, talde armatura itzuli diren «bi edo hiru» kasuak, «zigorra osorik» bete zutenak izan direla gaineratu zuen.

Horren haritik, Javier Arenas PPko idazkari nagusiak uste du ez dela «positiboa» gizartearen gehiengoak ulertzen ez dituen erabaki judizialak egotea. Era berean, Jose Luis Rodriguez Zapaterok «legea betetzeko» eta Fiskaltzak aurkeztutako helegitea «lehenbait lehen argitzeko» eskatu zuen.

«Legearen barruan» jokatu duela dio Imazek

Espanian ez bezala, EAEn Alonsok babesa jaso zuen. Josu Jon Imaz Eusko Jaurilaritzako bozeramaileak esan zuen epailearen neurriak «legearen barruan» daudela.

EAKo Antolakuntza idazkari Rafael Larreinaren aburuz, bi presoak ez kaleratzea «prebarikazioa» egitea eta «legea betetzen ez duela jakinda, legea ez betetzea» litzateke. Espainiako Gobernuak Alonsok hori egitea nahi zuela dio. EB-IUko legebiltzarkide Antton Karreraren ustez, PPK «ETAren helburu berak» ditu, birgizarteratzea baztertzen duelako.